

№ 42. беззаконно чрезъ вся божественныя правила, и мнѣ тожъ прощеніе дати и разрѣшити святымъ молитвословіемъ, хто о томъ станетъ каятися и прощенія просити; аще ли кто не покается, и онъ буди подѣ заповѣдію Божіею, глаголюще: имъже судомъ судите, осудитесь, и еяжъ мѣрою мѣрите — возмѣрится. Такожъ и честный сикелить, бояре, кои злословили насъ безъ правды и клеветали на насъ великому государю смертными винами, якожъ Семень Лукьяновичъ Стрѣшневъ, вопросы своими газскому митрополиту и Романъ Боборыкинъ и Иванъ Сытинъ и прочіе вси каждо самъ свою совѣсть вѣдая, и поищутъ прощенія, и намъ и тѣхъ разрѣшити и благословити и молити Господа Бога, по божественной заповѣди: молитесь другъ за друга да изцѣлѣете. А имъ, кто будетъ преобидѣлъ насъ, всѣмъ любо житейскихъ вещей движимыхъ и недвижимыхъ исправлятися вправду полюбовно; аще жъ и посемъ кто, уклоняся отъ всякія божественныя правды, обратится на зло какое либо, или на досажденіе или на преобидѣніе, и на немъ тажъ да будетъ божественная юза неразрѣшима, а намъ въ печалѣхъ своихъ прощено глаголати божественнаго Давида псалмы: суди, Господи, обидяція мя, возбрани борющія мя, пріими оружіе и щить, и востани въ помощь мою, и изсуну оружіе, и запрети сопротивъ гоняція мя; и паки: Богъ отмщений, Господь Богъ отмщений и не обинулся есть, вознеклся судая земли, воздаждь воздаяніе гордымъ, и прочія подобныя тѣмъ. Да какъ лили великій колоколь, и въ то время ушла мѣдь, а долить было нечимъ, а государевы мѣди столко не стало, и я доливалъ своею мѣдью, да у Ивана Щепоткина взято изъ лавки пудовъ съ пятсотъ, и та мѣдь пошла въ колоколь же; да ему жъ Ивану дана память на князь Ивана Ивановича Лобанова во стѣ пудахъ мѣди, и онъ Иванъ великому государю въ своей мѣди, не бивъ челомъ, заверсталъ за ту пятсотъ пудъ моею мягою рухлядью, которая дана ему была продать шелкомъ и сафьяны и кисеями тысячи на полторы или на двѣ; и того ради преобидѣнія, я ево Ивана проклялъ, и въ томъ бы прикащикомъ межъ собою сдѣлатца, а мнѣ бѣ его по смерти разрѣшити и благословити. А что въ колоколь моей мѣди положено, и той мѣди дошло до меня пятсотъ пудъ, и въ томъ какъ онъ великій государь изво-

литъ. Сія тако исповѣдую и утвержаю, ипако паче сего да не № 42.
 будетъ. А противу сего нашего изображенія всего да дастся и
 намъ писаніе отъ царского величества и отъ честнаго царского
 сиклику и отъ священнаго собора во свидѣтельство всякія правды.
 Якожъ Григорій Богословъ во своемъ оставленіи престола ко 150
 епископомъ изобразилъ въ словѣ, въ стисѣ 25-мъ, глаголя: что
 глаголете, епископи, перепираемъ ли васъ словесы сими и побѣ-
 дихомъ, или достойтъ и твердѣйшихъ словесъ намъ, ко еже пре-
 прѣти, сіи къ Троицы самой, юже молимъ, и молитѣ ко общей на-
 шей надежды и людей сихъ утвержденію, дадите намъ благодать
 сію, съ молитвами насъ отпустите. Сія да будетъ ми страданію
 проповѣдь, дадите ми писаніе оставленія, якоже воиннымъ царіе,
 и аще хотите съ деснымъ послушствомъ да имамъ запрещеніе,
 да аще ли же ни, якоже хотите, ничесоже о семъ изреку, дон-
 деже аще видитъ Богъ наша како убо имуть. Кого убо противу
 введемъ, узритъ Себѣ Господь пастыря въ предстательство, якоже
 видимо овча во всеплодіе. Едино се ищу, точію отъ завидимыхъ,
 буди кто не милующихъ, не еже вся всѣмъ дарующихъ отъ луч-
 шихъ, ово бо убо здѣ сладчае, ово жъ тамо полезнѣйше. Вы убо
 проводная намъ поучитесь словеса. Азъ же вамъ отдамъ обѣщанія
 и обѣщальное, и сія тако суть, и аще ли инако чрезъ вся боже-
 ственныя законы и заповѣди и любовной союзъ збудется, яже о
 патріаршествѣ по власти міра сего, то да не наречется по правдѣ
 патріархъ, но яко прелюбодѣй и хищникъ, и вмѣсто мира да бу-
 детъ мечъ Божій и раздѣленіе по словеси Божію: не мните, яко
 пріидохъ воврещи миръ на землю, не пріидохъ бо воврещи миръ,
 но мечъ, пріидохъ бо разлучити чловѣка на отца своего, и про-
 чее. И паки другое писаніе: всяко царство раздѣлшееся на ся
 запустѣетъ, и всякъ градъ или домъ, раздѣливыйся на ся, не ста-
 нетъ. Аминь.

№ 43.

1666 г. Черновой списокъ дѣянiя собора россiйскихъ архіереевъ, по челобитной патріарха Никона царю, отъ 14 Января 1665 г., въ коей патріархъ Никонъ предлагаетъ условiя, на которыхъ онъ согласенъ на избраніе новаго патріарха.

а) Настоящаго лѣта сего по седми тысящамъ отъ созданiя міра 174, отъ рождества же по плоти Господа Бога нашего Иисуса Христа 1666. По повелѣнiю великого государя нашего царя и великого князя Алексiа Михайловича, всеа Великія и Малыя и Бѣлыя Росiи самодержца, собравшеся архіереи Росiйского государства, преосвященные митрополиты и архіепископы и епископы имѣюще волю и неприсутствующихъ архіепископовъ сибирскаго и астраханскаго, Святаго Духа призваша, да дасть благодать свою, еже разсудити праведно писаніе, присланное къ великому государю царю и великому князю Алексію Михайловичю, всеа Великія и Малыя и Бѣлыя Росiи самодержцу, отъ святѣйшаго Никона патріарха, за рукою его, въ лѣто 7173, Генваря въ 14 день, въ немъ же написано, яко отъ того дне жити святѣйшему Никону патріарху строенiя своего въ монастырѣхъ Нового Іерусалима святаго живоноснаго Воскресенiя Христова, или въ монастырѣ пресвятыя Богородицы Иверскіа, или въ монастырѣ святаго и животворящаго Креста Господня, или въ иныхъ его строенiя и приписныхъ монастырехъ повольно. И священный соборъ присуди монастырь Воскресенiя Христова Новымъ Іерусалимомъ не именовать и не писати, а именовать и писати его сице: монастырь Воскресенiя Христова, по образу церкви Іерусалимскіа, или монастырь Новый Воскресенiя Христова. Зане пишеть мудрый монахъ Максимъ Грекъ, яко единъ есть Іерусалимъ на земли и едина земля Іудейская, въ ней же Христосъ родися и крестися во Іорданѣ, на Ѡаворѣ преобразися, и на Голгоѣ распяся, и тамо нѣгдѣ близъ погребеся, и по воскресеніи, поживъ со ученики своими чотыредесять дней, отъ Елеонскіа горы на небеса вознесеся. Второе. Яко люди народа Росiйскаго зѣло блазнятся, суще невѣжди, о имени монастыря Нового Іерусалима, паче же

въ послѣднія дни сія, вняже концы вѣкъ достигоша. И въ той № 43. ихъ блазни веліе есть хулное слово на святѣйшаго Никона патріарха, еяже хулы не мощно написати. И того ради обоего не подобаетъ писати ниже именовати монастырь онъ святаго Христова Воскресенія Новымъ Іерусалимомъ.

б) Живучи въ тѣхъ монастырехъ, святѣйшему Никону патріарху держати вся преданія церковныя и книги исправленныя съ старыхъ греческихъ книгъ и символъ, како исправися при немъ, и имѣти любовь и единеніе со вселенскими патріархи во всемъ неотложно. Священный же соборъ рече: аще что и впредь, за повелѣніемъ великаго государя, и за благословеніемъ святѣйшаго патріарха московскаго и всего священнаго собора, съ греческихъ книгъ исправится, и ему святѣйшему патріарху Никону и тѣ книги пріимати и по нимъ славословіе Божіе и чины церковныя исправляти, и святѣйшаго патріарха московскаго и всея Росіи въ молитвахъ тайныхъ и явныхъ всѣхъ имя поминати ему самому въ первыхъ, и во всѣхъ своихъ монастырехъ и церквахъ также велѣти въ первыхъ поминати, и имѣти патріарху Никону къ святѣйшему патріарху московскому и всея Русіи повиновение во всемъ такъ, какъ и прочія архіереи святѣйшему патріарху повинуются и имя святѣйшаго настоящаго патріарха московскаго въ молитвахъ своихъ церковныхъ и келейныхъ поминаютъ.

в) Великому государю царю жаловати святѣйшаго Никона патріарха своею милостію, какъ и прежде сего. И священный соборъ отвѣща: въ томъ великій государь воленъ, зане государь нашъ царь милостивъ и долготерпѣливъ и непамятозлюбивъ. Аще будетъ святѣйшій Никонъ патріархъ къ нему великому государю и къ святѣйшему патріарху настоящему будетъ покоренъ во всемъ по Господѣ Бозѣ, и не начнетъ каковыхъ мятежей и смущеній творити каковымъ любо образомъ, и великій государь будетъ ево своею государскою милостію жаловати по своему государскому разсмотрѣнію, какъ ему великому государю Богъ извѣститъ. Зане, по премудрому нѣкоему, сердце царево въ руцѣ Божіи.

г) Въ царствующій градъ Москву пріити святѣйшему Никону патріарху, когда случится, всякихъ ради нуждъ, и ево великого

№ 43. государя лице видѣти, миръ и благословеніе подати и престолу славы царства его поклонитися, — и великому государю пожаловати не возбранити. И священный соборъ рече: приходити въ царствующій градъ Москву святѣйшему Никону патріарху сице: первѣе ему о приходѣ своемъ въ царствующій градъ Москву къ великому государю и къ святѣйшему патріарху московскому писати, какъ и прочія архіереи о пріѣздѣ своемъ пишутъ. И егда благочестивый государь царь повелитъ, и святѣйшій патріархъ благословитъ, тогда, по указу великого государя и по благословенію святѣйшаго патріарха, въ царствующій градъ Москву святѣйшему Никону патріарху приходити. А безъ указу великого государя и безъ благословенія святѣйшаго патріарха къ Москвѣ ему не приходити.

Пристойно ли Сардикійскаго собора правило 10-е, листъ 111, здѣ написати,—изволите сказать.

Пришедъ ему въ царствующій градъ Москву, безъ указу великого государя и безъ совѣту брата его и сослужителя, святѣйшаго патріарха московскаго и всеа Русіи, чрезъ божественныя законы ничтоже творити. И священный соборъ рече: святѣйшему Никону, патріарху бывшему московскому, святѣйшаго патріарха настоящаго московскаго и всеа Русіи сослужителемъ не именовать, но имѣти его и именовать архипастыря и начальника и старѣйшину, и подчинятися ему во всемъ, и безъ воли его и безъ благословенія въ царствующемъ градѣ или гдѣ индѣ не точію что чрезъ божественныя каноны, но еще что и по божественнымъ закономъ безъ совѣта и велѣнія ничтоже творити, но вся ему дѣяти по указу великого государя и по благословенію святѣйшаго патріарха московскаго и всеа Росіи, якоже и прочія архіереи вся дѣютъ по благословенію его.

Есть ли правила или иное какое писаніе о томъ, что сослужителемъ наименовати.

Грамоты великого государя.

Вотчины купленные и вкладные утвердити за монастырями ево.

Церковныя пустыя земли, которые около Воскресенскаго монастыря близъ, пожаловать великому государю утвердити за Воскресенскимъ монастыремъ и изъ оброку выложить. Отвѣща свя-